

EKTik



Europako Batasunera

# Bihartik aurrera martxan jarriko da Europako Batasun Hitzarmena

Berrespen prozesu luzeak eta ekonomi krisiak baikortasuna ilundu dute

**B**ihartik aurrera Europako Batasun Hitzarmena martxan jarriko da. 1991ko abenduan Holandako Maastricht hirian Europako Komunitateko Estatu eta gobernuburuek sinatutako itunak, bide eta bidezidor ugari iragan behar izan ditu indarrean sartzeko, eta duela bi urteko baikortasuna itzalduz joan da pixkanaka-pixkanaka.

KOLDO ALDABE / DONOSTIA

Herenegun Bruselan Kontseiluan bildutako EK-ko Estatu eta gobernuburuak gailurrean argi geratu zenez, ez dago ospakizun handiegirik egiteko asmorik. Maastricht hitzartu eta ondoren go prozesu luzeak Europako agintariak nekatu egin dituela dirudi. Ostiralean, Europako Batasun Hitzarmenarekin irekiko diren erakunde berrien kokapenaren ezbaidak sutsuak, Maastricht indarrean jartzeko helburu nagusiarekin antolatutako gailurra ilundu egin zuen.

Izan ere, uste baino buruhauste handiagoak eragin dizkie agintari europarrei Maastrichteko Hitzarmenaren berrespen prozesuak. Lehendabiziko abisua Danimarkako herritarrek eman zuten 1992ko erreferendumean hitzarmena gaitzestean. Danimarkak aurreko beste erreferendum bat egin behar izan zuen Maastricht berresteko, hitzarmeneko zenbait punturen salbuespenarekin. Frantzia ere egin zen beste erreferendumean ere aldeak oso estuak izan ziren eta horrek eragin zuen Europaren eraikuntzan baikortasuna hainbestekoa ez izatea.

Erresuma Batuan ere ezbaidak amaigabeak izan ziren Maastricht berretsi aurretik, eta John Major lehen ministroak bere kargua jokoan jarri behar izan zuen Alderdi Kontserbadoreko korronte euroeszeptikoak Hitzarmenaren berrespena pikutara bidal ez zezan.

## FAKTORE DESBERDINEN BATUKETA


Berrespen prozesua ez da izan, ordea, Europako Batasunaren inguruko hasierako baikortasuna eszeptizismo bihurtu duen faktore nagusia. Berrespen prozesuan zehar beste gertakari batzuk izan dira eszeptizismo hori areagotu dutenak. 1991n Hitzarmena sinatu zute-



Oztopoen aurrean ez dira oso baikor azaldu europar agintariak.

EFE

## EUROPAKO BATASUN HITZARMENAREN BERRESPEN PROZESU LUZEA



nean egoera ekonomiko onean zegoen Europa, baina orain indarrean jarri behar duenean, gain-behera ekonomiko handia ari da jasaten. Honi, iaz eta aurreko Europako diru desberdinek izan dituzten erasoak gehitu zaizkio, Europako Diru Sistema —diru bakarrera eramango duen egungo oinarri nagusia— ia betirako ehorzterako arriskuan egon delarik.

Guzti horri aurre egiteko gaitasunik ezak edo hobeto esanda, estatu bakoitzak bere aldetik joan

nahi izanak, kinka larrian jarri du Europako Batasuna, eta horregatik, orain indar berritu nahi dutenean, ez dute baikortasun handiegirik azaldu nahi izan. Aitzitik, Europako Batasunean harranzago joateko borondatea baino ez dute erakutsi.

Deia den, Alemaniak eta Frantziak —historikoki Europako Komunitateko zutaberiak sendoenek— berriro Europaren eraikuntzari heldu nahi izan diote. Herenegun Bruselako gailurrean, bihar martxan jarriko

den Europako Batasunaren ezaugarri bat behintzat agertu zen, Atzerri eta Segurtasun Politika Bateratua hain zuzen. Eta gainera, Europak zalantza gehien izan dituen arazoan eman diote hasiera, Bosniako gerran hain zuzen. Bertan, adituen arabera, Europako Komunitateak orain arte egin duen deklaraziorik sendoenek, Europako Komunitateak Bosnian laguntza humanitarioa hedatzeko «neurri ego-kienak» hartzeko konpromezua adierazi zuen.

## EGUTEGIA

**1993ko urriaren 1a:** Maastrichteko Hitzarmena indarrean jarriko da.

**1994eko utarrilaren 1a:** Diru eta Ekonomiaren Batasunaren bigarren etapa abian jarriko da. Europako Diru Institutua 1994eko urtarrilean hasiko da lanean.

**1994eko otsailaren 1a:** Schengengo Batzorde exekutiboak Schengengo ituna data honetan indarrean jartzea erabaki du. Itun honek giza banakoen zirkulazio librea jasotzen du, bederatzi herrialdeen arteko mugen desagerpena alegia.

**1994eko ekaina:** Europako Parlamenturako hauteskundeak.

**1995eko urtarrilaren 1a:** Europako Ingurune Ekonomikoaren sarrera, zeina EK-ko 12 herrialdeek eta Komertzio Libre-rako Europako Erakundeko sei herrialdek osatzen duten.

**1995eko urtarrilaren 1a:** Austria, Finlandia, Suedia eta Norvegia EKn sar daitezke.

**1996:** erreforma handiago bat negoziatzeko gobernuen arteko gailurra aurrikusten du urte horretarako Maastrichteko Hitzarmenak. Europako Parlamentuari botere gehiago ematea, europar hiritartasunaren kontzeptua zabaltzea eta beste zenbait gai aztertuko lituzke erreforma honek.

**1997ko urtarrilaren 1a:** EK-ko Estatu eta gobernuburuek gutxienez zazpi herrialdeen ekonomiak aztertuko dituzte 1996ko urte amaieran, Diru Batasunerako jauzia egiteko prest dauden jakin ahal izateko. Erabakia aurkako botorik gabe hartu beharko da, bestela 1998ko urte amaieran beste saio bat egingo litzateke. Bigarren saio honetan gehiengo sinplea nahikoa izango litzateke. Fase honetara pasatzeak, Banku Zentralen Europako Sistemaren osaketa ekarriko luke.



## ANDOINGO UDALA

### IRAGARKIA

10. Poligonoko Hiri Antolamendurako Plan Orokorreko Elementuen Aldaketa. Proiektuaren onarpen espedientearen izapidaketa-prozeduran akats bat izan dela oharturik, berriro ateratzen da jendaurrean, Andoingo Udaletxeko Hirigintza Negoziatuan, aipatu proiektuaren hasierako onarpen erabakia, aldaketa burutzeko espedientearekin batera. Eta jendaurrean egongo da hilabete epean (93.10.27) GAO-n dagokion iragarkia argitaratu eta hurrengo egunetik kontatzen hasirik, erabakiak erabazteko dezaie donorki aztertu eta egoki irizten dituen ohar eta alegazio guztiak egin ditzan.

Andoain, 1993ko urriak 29. ALKATEA